

ხელშეკრულება სახელმწიფო შესყიდვის შესახებ
№EU/ADM/32

17 ოქტომბერი 2011წ.

ქ. თბილისი

ერთის მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (მისამართი: ქ. თბილისი, მისამართი: მ. ასათიანის ქ. №9, საიდენტიფიკაციო კოდი 211324351, საბანკო რეკვიზიტები: ბანკი „რესპუბლიკა“ ბ/კ 220101757, ა/ა 102531545506) (შემდგომში „შემსყიდველი“)

მეორეს მხრივ: შპს „კონტინენტალი“ (მისამართი: ქ.თბილისი, ყაზბეგის 14ა, საიდენტიფიკაციო კოდი: 204987185, საბანკო რეკვიზიტები: სს „თი-ბი-სი ბანკის“ საბურთალოს ფილიალი, ბანკის კოდი 220101838, ა/ა: GE62TB1981536020100002) (შემდგომში „მიმწოდებელი“) თანხმდებიან შემდგომზე:

1 ხელშეკრულების საგანი და ღირებულება

- 1.1 შემსყიდველი, ევროკავშირის გრანტით (№TACIS/2007/147562) დაფინანსებული „პირველადი ჯანდაცვის რეფორმის მხარდაჭერის პროექტის“ ფარგლებში გამარტივებული შესყიდვის საშუალებით განახორციელებს სხვადასხვა საკვები პროდუქტის (შემდგომში „საქონელი“) შესყიდვას ზღვრული თანხით არაუმეტეს 1,000.00 (ათასი) ლარის ოდენობით. (შემდგომში „ხელშეკრულების ღირებულება“).
- 1.2 ხელშეკრულების ღირებულება არ ითვალისწინებს დამატებული ღირებულების გადასახადის გადახდას.
- 1.3 1.1 პუნქტში მითითებული თანხა მოიცავს ყველა იმ გადასახადსა და მოსაკრებელს, რომელიც დადგენილია საქართველოს კანონმდებლობით, გარდა დამატებული ღირებულების გადასახადისა. შემოსავლების სამსახურის ცნობის საფუძველზე, ხელშეკრულების 1.1 პუნქტში მითითებული პროექტი გათავისუფლებულია დამატებული ღირებულების გადასახადისაგან.
- 1.4 ხელშეკრულების ობიექტის კლასიფიკატორის (CPV) კოდი და შესყიდვის კონკრეტული ობიექტია 15800000 – სხვადასხვა საკვები პროდუქტი.

2 ხელშეკრულების მოქმედების ვადა

- 2.1 ხელშეკრულება ძალაშია ხელმოწერის დღიდან 2011 წლის 31 დეკემბრის ჩათვლით.

3 ხელშეკრულების შესრულების კონტროლი

- 3.1 ხელშეკრულების განხორციელების პროცესში შემსყიდველის მიერ უფლებამოსილი პირი, მიმწოდებელთან წინასწარი შეთანხმების საფუძველზე, საქონლის მოწოდების ადგილას განახორციელებს კონტროლს, რომელიც გულისხმობს ხელშეკრულების პირობების შესრულებისა და მოსაწოდებელი საქონლის ხარისხის, რაოდენობის აღრიცხვისა და სპეციფიკაციის შესაბამისობის შემოწმებას.
- 3.2 შემსყიდველის მხრიდან ხელშეკრულების ინსპექტირებას განახორციელებს – ევროკავშირის პროექტის შესყიდვების უფროსი სპეციალისტი ნატო დვალი, რომელიც უზრუნველყოფს გაწეული მომსახურების (მთლიანი ან/და ნაწილობრივი) მიღება-ჩაბარების აქტების გაფორმებას დადგენილი წესის შესაბამისად.

4 საქონლის მიწოდების პირობები

- 4.1 მიმწოდებელი იღებს ვალდებულებას ხელშეკრულების ხელმოწერის შემდგომ, შემსყიდველის მიერ მიღებული შეკვეთის შესაბამისად მიაწოდოს საქონელი. საქონლის შეკვეთა და მიწოდება განხორციელდება ეტაპობურად.
- 4.2 ყოველი შეკვეთის შემდგომ საქონლის მიწოდებისას მიმწოდებელმა უნდა წარმოუდგინოს შემსყიდველს შესაბამისი დოკუმენტაცია: ანგარიშ-ფაქტურა დღგ-ს გარეშე ან/და სასაქონლო ზედნადები (დანართითურთ) საქონლის დასახელების, რაოდენობის, ერთეულის ფასის და საერთო ღირებულების მითითებით;

- 4.3 მიმწოდებელმა უნდა უზრუნველყოს შემსყიდველისათვის ზემოთ ჩამოთვლილი დოკუმენტების მიწოდება საქონელთან ერთად. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.

5 შესყიდვის ობიექტის მიღება-ჩაბარების წესი

- 5.1 ყოველი შეკვეთის დასრულებისას, საქონლის მიწოდების შემდგომ მხარეებს შორის ფორმდება მიღება-ჩაბარების აქტი.
- 5.2 მიწოდებული საქონლის მიღება-ჩაბარების აქტი იძლევა გაწვეული მომსახურების ღირებულების მოთხოვნის საფუძველს.

6 ანგარიშსწორება

- 6.1 ანგარიშსწორება განხორციელდება უნაღლო ანგარიშსწორების წესით ეროვნულ ვალუტა - ლარში.
- 6.2 ანგარიშსწორება განხორციელდება მიღება ჩაბარების აქტის გაფორმებიდან 20 (ოცი) დღის განმავლობაში.

7 ხელშეკრულების პირობების შეუსრულებლობა

- 7.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში მიმწოდებელს ეკისრება პირგასამტეხლო ყოველ გადაცილებულ დღეზე საქონლის ღირებულების 0.1%-ის ოდენობით, რომლის გადახდა მოხდება დაზარალებული მხარის წერილობითი მოთხოვნის შესაბამისად.
- 7.2 საჯარიმო სანქციების გადახდა არ ათავისუფლებს მხარეს ძირითადი ვალდებულებების შესრულებისაგან;

8 ფორს-მაჟორული სიტუაცია

- 8.1 მხარეები თავისუფლდებიან პასუხისმგებლობისაგან დაკისრებულ მოვალეობათა ნაწილობრივ ან სრულად შეუსრულებლობისათვის დაუძლეველი ძალის ზემოქმედებით გამოწვეული გარემოებების შემთხვევაში, ამ გარემოებათა არსებობის განმავლობაში.
- 8.2 ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება დაუყოვნებლივ წერილობით უნდა აცნობოს ამის შესახებ მეორე მხარეს.
- 8.3 მხარეები არ თავისუფლდებიან პასუხისმგებლობიდან, თუ თუ ფორს-მაჟორული მოვლენის დადგომა გამოწვეულია მათი ბრალით, ან ნაკისრ ვალდებულებათა შესრულება შესაძლებელი იყო ასეთ გარემოებათა დადგომამდეც.

9 დაგები და მათი გადაწყვეტის წესი

- 9.1 მხარეთა შორის წამოჭრილი დაგები შესაძლებელია გადაწყვეტილ იქნეს ორივე მხარის ერთობლივი მოლაპარაკების საფუძველზე.
- 9.2 თუ მხარეები ვერ შეძლებენ მოლაპარაკების საფუძველზე გადაწყვეტონ დავა, მაშინ ნებისმიერ მხარეს შეუძლია მიმართოს სასამართლოს კანონმდებლობით დადგენილი წესით.

10 ხელშეკრულების შეცვლა ან შეწყვეტა.

- 10.1 მხარეებს არა აქვთ უფლება ერთმანეთთან შეთანხმების გარეშე გადასცენ სხვა მხარეს წინამდებარე ხელშეკრულებით განსაზღვრული უფლებები და ვალდებულებები.
- 10.2 ხელშეკრულების შეწყვეტა ან პირობების შეცვლა შესაძლებელია მხარეების წინასწარი წერილობითი შეთანხმების საფუძველზე, ამასთან რომელიმე მხარის მიერ მიღებული გადაწყვეტილება დაინტერესებულ მხარეს უნდა ეცნობოს მინიმუმ ერთი თვით ადრე.

11 დამატებითი პირობები

- 11.1 ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს თანაბარი იურიდიული ძალა აქვს;
- 11.2 ხელშეკრულების ერთი ეგზემპლარი ინახება მიმწოდებელთან, ხოლო 2 (ორი) ეგზემპლარი ინახება შემსყიდველ მხარესთან.

„შემსყიდველის“ სახელით

„მიმწოდებლის“ სახელით


სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“

შპს „კონტინენტალი“

მაია ბუჭაშვილი
გენერალური დირექტორის
მოვალეობის შემსრულებელი

ვლადიმერ გურგენიძე

დირექტორი



შესასყიდი საქონლის ჩამონათვალი:

1. ყავა:

- 1.1. ნალექიანი
- 1.2. ხსნალი

2. ჩაი:

- 2.1. მწვანე ჩაის პაკეტები
- 2.2. შავი ჩაის პაკეტები

3. შაქარი


„შემსყიდველის“ სახელით

სსიპ „ლ. საყვარელიძის სახ.
დაავადებათა კონტროლისა და
საზოგადოებრივი ჯანმრთელობის
ეროვნული ცენტრი“

„მიმწოდებელის“ სახელით

შპს „კონტინენტალი“

მაია ბუჭაშვილი
გენერალური დირექტორის
მოვალეობის შემსრულებელი



ვლადიმერ გურგენიძე
დირექტორი

